

Yardım surahinin başını ayagın sıdım
Yudum elim arakdan ü geçtim şarâbdan
Yol bulmasın bana bu havâ vü heves deyu
Çektim yüzüme perde-i ismet hicâbdan
Kühşâr taşa çalmasa ger lâle câmmı
Bir lâhza hâli olmaz idi inkılâbdan
Deryâ tutar elinde sefîne ayagını
Olmaz halâs anun içün ıztırâbdan
Oldum Hayâlî âteş-i aşkun semenderi
Kıldı halâs Hak beni nâr-ı azâbdan

423

Kaldı nümûne dehre cihân-ı harâbdan
Berg-i hazân hazâyın-ı Efrâsiyâbdan
Seng-i havâdis eyledi Câm-ı Cemi şikest
Her lâle perdi pârelerini türâbdan
Viccân-i pâkim etdi giriftar-ı gam beni
Fehm et bu remzi şişe içinde gülâbdan
Perr-i mekesce gelmez idi sana mümkinat
Alsın sen ol sadayı tanîn-i zübâbdan
Deryâ gibi başımda olaldan havâlarım
Hâli degil sefîne-i dil ıztırâbdan
Hûn-ı ciglerle bu dil-i sûzan yeter bana
Zevkim ne dem kim ola şarâb ü kebâbdan
Nûş etmeyem sunarsa inip Zöhre-i felek
Dünyâ şarabını kadh-i âfirâbdan
Ecrâm-ı aliyât şeref iktisâb eder
Câm-ı meyinde zahir olan her habâbdan
Bir bezm-i hasa mahrem olupdur Hayâlî kim
Açılmaz anda gonca-i cenet hicâbdan

424

Her şem-i hüсне ger ola kâfûrdan beden
Cismın misâli olmaya bir nûrdan beden
İtin çulun libâs edeli etmez oldu zevk
Zer-bettler ile kâkum-ı semmûrdan beden

Gelmez cihâna mey gibi bir rûh-u sâni kim
Hörmet ana libâs ola billûrdan beden
Kanlar yutar dili görelî kendi başına
Dağ-ı belası âşk-ı mehcûrdan beden
Olur Hayâlî âl ile mahşerde sürh-rû
Garık etdi kana çün dem-i âşûrdan beden

425

Dağ-ı mihnetle beni öldürse ol gül-pîrehen
Lâle-veş sarsın bana derd ehli bir kanlı kefen
San'at-i aşkı iletim başa ben ey seng-dil
Kangı taş katı ise döğsün ana baş Kûh-ken
Yârı gönlecek görüp seyr etdigin eller dedi
Gör nice düşmüş durur gül hürmeni üzre semen
Dâne-i ömrün kişinin cem-edip cev cev komaz
Kızlık eyler âlem âhr bu çarh-ı pîre-zen
Pâdişâh-ı mülk-i ma'nidir Hayâlî derdi ger
Şi'r-i pür-sûzum göreydi Husrev-i şîrîn suhan

426

Boynuma aldım o zülf-i anberinin minnetin
Ey sabâ sahraya saldım misk-i Çinin minnetin
Yâr olursa nâz-perverdim gamından gayrıya
Çekmeyem bir lâhza ömr-i nazeninin minnetin
Kûy-ı yarın bir gubârın kondurursan çihreme
Ey sabâ yüklet bana ruy-ı zemnin minnetin
Gam yeme zâdın tevekkül kapısından kıl taleb
Çekme bu hurmende her bir hûşe-çinin minnetin
Mülk-i istignâyı şâh olmaz benim Hanım çeken
Çîn-i ebrusun görüp Hakan-ı Çinin minnetin

427

Eyleyem berbâd ömr-i nâzenînin minnetin
Vermeyem câna o zülf i anberînin minnetin
Ermiş iken derdini dermânıma cânımda cây
Çekmezem sînemde dağ-ı âteşînin minnetin